

太平經卷六十八之六十九

傳五

太平經卷之六十八

六十九
同卷

傳五

戒六子訣第一百四

吾將去有期戒六子一言夫道廼洞無上無
下無表無裏守其和氣名為神子近求則大
得遠求則失矣故古君王善為政者以腹中

始起真能用道治自得矣動不失其法度數
萬物自理近在胷心散滿四海古者聖人名
為要道治樂欲無事慎無失此此以繩正賢
者今重丁寧以曉子子六人連日問吾書道
雖分別異趣當共一事然舌能六極周王道

備解說萬物各有異意天地得以大安君王
得以無事吾書乃知神心洞六極八方自降
而來伏皆懷善心無惡意其要結近居內比
若萬物心在裏枝居外夫內興盛則其外興
內衰則其外衰故古者皇道帝王聖人欲正

傳五

洞極六遠八方反先正內以內正外萬萬相
應億億不脫也以外正內者萬失之也故古
者大聖教人深思遠慮閉其九戶休其四使
使其渾沌比若環無端如胞中之子而無職
事也廼能得其理吾之道悉以是為大要故

還使務各守其根也夫天將生人悉以真道
付之物具故在師開之導之學之則可使無
不知也不闔其門戶雖受天真道無一知也
比若嬰兒生投一室中不導學以事無可知
也所以人異者但八方異俗故其知學不同
也若能一人學周流表裏盡知之矣吾將遠
去有所之當復有可授不可得常安坐守諸
弟子也六人自詳讀吾書從上到下爲有結
不解子意者考源古文以明之上行者玄真
知之下行者順真知之東者初真知之南者

太真知之西者少真知之北者幽真知之夫
道迺大同小異故能分別陰陽而無極化爲
萬一千五百二十字中和萬物小備未能究
天地陰陽絕洞無表裏也故但考其無舉其
綱見其始使可儀而記記古記今其要亂自

傳五

二

同神聖所記猶重規合矩雖相去億億萬年
比若相對而語也故可爲爲天地常經爲陰
陽作神道勿怪吾書前後甚復重也所以復
重者恐有失之也又天道至嚴旣言不敢不
具通不通名爲彋道爲過劇吾誠哀之此雖

復重比若上古聖人中古聖人下古聖人皆
異世而生其辭相因復重而說更以相考明
廼天道悉可知此之謂也行矣吾有急行重
慎持天寶傳付其人

右戒六弟子

太平經卷之六十八

太平經卷之六十九

天讖支干相配法第一百五

真人再拜曰愚賤生緣天師常待之以赤子
之分恩愛洽著倉皇得旦夕進見天功至大
不可謝今欲復有質問密要天之祕道又不

傳五

三

敢卒言平道之子既為天問事當窮竟不得
中弃而止也唯唯愚生見天師所說無有窮
極時也延後弟子俱天覺承知天師深洞知
天地表裏陰陽之精諸弟子恐一旦與師相
去無可復於質問疑事故觸冒不謙問可以

長久安國家之識令人君常垂拱而治無復
有憂但常當響琴瑟作樂而遊安若天地也
無復有危時豈可聞乎哉然諸真人思精進
乎深眇哉所問廼求索洞通天地之圖識文
一言廼萬世不可易也天公疾多災愁苦之
廼使諸真人來問疑乎諾且爲真人具說天
之規矩大要秘文訣令使其口口真人自隨
而記之唯唯然夫皇天廼以四時爲枝厚地
以五行爲體枝主衰盛體主規矩部此九神
周匝天下上下洞極變化難覩爲天地重寶

爲衆神門戶自有固常不可妄犯順之者長
吉亂之者長與天地乖忤唯唯願聞其意豈
可睹耶善哉諸真人言也方爲子具道之但
俱自精安坐思吾言唯唯

天常讖格法以南方固爲君也故曰在南方
爲君也火在南方爲君太陽在南方爲君四
時盛夏在南方爲君五祀竈在南方爲君五
藏心在南方爲君君者法當衣赤火之行也
是故君有變怪常與陽相應非得與他行相
應也陽者日最明爲衆爲長故天讖常以日

占君盛衰也真人知之耶唯唯行知之矣人
君之法常當求與仁者同家有心者為治其
可與共為治者常當行道而好生小小幼弱
於其長臣賢成器者君當養之不宜傷也故
東方者好生南方者好養夫不仁用心不可

傳五

四

與長共事不明不可以為君長故東方者不
仁有心南方者火明也夫天法帝王治者常
當以道與德故東方為道道者主生南方為
德德者主養故南方主養也治者當象天以
文化故東方為文龍見負之也南方為章故

正爲文章也章者大明也故文生於東明於
南故天文者赤也赤者火也仁與君者動上
行日當高明爲人作法式故木與火動者輒
上行也君之象也故居東依仁而上其治者
故當處南故東方爲少陽君之始生也故日
出於東方也南方爲太陽君之盛明也少陽
爲君之家及父母太陽爲君之身君之位也
少陽爲君之家木爲火之父母君以少陽爲
家火稱木之子真人知之耶唯唯子已知之
矣少陰爲臣臣者以義屈折伏於太陽故金

隨火屈折在人可欲為臣者常以義屈折佐
君可欲為也故少陰稱臣也真人知之耶唯
唯

太陰為民民汙行而不止故水汙行而不知
息也民者職當主為國家王侯治生故水者

傳五

五

當隨生養木也東方者君之家也真人知之
耶唯唯行子已知之矣

天之格識少陽者畏少陰故臣者反主錄國
家王侯官屬也太陽畏太陰是故國有道德與
德而賢明則民從也國無道德則民叛也是

故治國之大要以多民爲富少民爲大貧困
諸真人曉知之耶唯唯行已覺矣

天之格法分爲六部東南上屬於天故萬物
生皆上行歧行人民皆出處外也屬於天故
天爲之色外蒼象木內赤象火真人知之耶

唯唯行已曉矣

天地之格識西方北方下屬於地故萬物至
秋冬悉落下歸土也人民歧行至秋冬悉入
穴而居故地之爲色也外黃白象土金內含
水而異象北行也真人知之耶唯唯

天之格讖東方南方位尊上屬天主治為君
長師父西方北方位卑屬地為臣為後宮為
民故巳者甲之後宮也甲天也王者之本位
也故甲為心星心星火也為王者故東方亦
為王者之先也心星火也行屬南方比若日
出東方而位在南方也真人知之耶唯唯行
子巳知之矣

天之格讖丙為火之長最其大明者也君之
位也辛者屬丙辛者丙之後宮也真人知之
耶唯唯行子巳知之矣今巳亦為皇后辛亦

爲白皇后何謂也善哉子之難也得天讖訣意
然已配甲申者丙之父也故已廼太皇后之
宮也辛者配丙丙者甲之子也故辛者小皇
后之宮也丙者廼甲之適子受命皇之君也
真人知之耶唯唯行真人已知之矣庚者屬

傳五

六

乙是國家諸侯王之埴也壬者屬丁是帝王
女弟之埴也癸者屬戊是國家太皇后之婦
家也善哉真人已知之矣

今十干已解各有所屬願聞地之十二支當
云何哉善耶然天之爲法陰陽雖行相過事

者各自有家天之為法同不舉家悉相隨而
止耳甲者以寅為家乙者以卯為家丙者以
午為家丁者以巳為家戊者以辰戌為家己
者以丑未為家庚者以申為家辛者以酉為
家壬者以子為家癸者以亥為家故天道者
反行治也地道者止也故有分土反無分民
蓋有國土而無國故天地者不移天反一日
一夜周匝一竟行之以此為常故十二支
居其處不隨十干而行也子知之耶唯唯
天地之道四時五行其道以相足轉而異

周汜幽冥無有極時獨古者大神聖人時時知之耳欲盡爲子說之難爲財用又復太文反令益憤憤使土德之君見眩亂不知所從故止也不惜爲諸子說也而說無窮極真人知之耶唯唯行子少覺矣德君據吾天識以

傳五

七

治萬不失一也是故天道廼有固界也以東與南爲君王象屬天故名爲天子也以西與北爲後宮民臣象也屬地故地爲后宮也真人知之耶唯唯

天之格識東方者畏西方是故天地開闢以

來王者從兵法興金氣武部則致君之象無
氣火者大衰其治凶亂真人欲樂知天讖之
審實也從上古中古到于下古人君棄道德
興用金氣兵法其治悉凶多盜賊不祥也是
故上古聖人深知天固法象故不敢從兵革
武部以治也帝王欲樂長安而吉者宜按此
天讖急凶斷金兵武備而急興用道與至德
以象天法以稱皇天之心以長厭絕諸姦猾
不祥之屬也立應不疑也真人知之耶唯唯
天之讖格法太陽雖爲君者反大畏太陰水

之行也水之甘良者酒也酒者水之王也長也漿飲之最善者也氣屬坎位在夜主偷盜賊故從酒名爲好縱水之王長也水王則衰太陽真人欲樂知天識之審實也從太古以降中古以來人君好縱酒者皆不能太平其

治反亂其官職多戰鬪而致盜賊是明效也是故太平德君方治火精當明不宜從太陰令使水德王以厭害其治也故當斷酒也願聞覩斷之耶斷何所酒哉但斷市酒耳今天師何覩何見而獨斷絕市酒耶然夫市者廼

應水之行也故四方人民凡物悉汙而往聚處是故江海亦水之王長也故凡百川財物亦流往聚處也夫水者北方玄武之行也故貪數劫奪人財物夫市亦五方流聚而相賈利致盜賊狡猾之屬皆起於市以水主坎天

傳五

之法以類遙相應故市廛為水行縱其酒大與之復名為水王市人亦得酒而喜王名為二水重王其咎六厭衰太陽之火氣使君治衰反致詆臣真人知之耶今見天師訣之眩亂不曉願聞其大訣善哉子之言也然諸真

人乃遠為天來問事為德君帝王解承負之
害吾無所惜也俱安坐為諸真人分別悉說
道其大要意唯唯

天之讖訣金玉興用事人大興武部者木絕
元氣土得王大起土者是太皇后之宮也氣

屬西北方太陰得大王則生詆臣作後宮失
路騰而起土王則金相復相隨騰而起已與
辛之氣俱得興王騰而大起天之格法則生
後宮多詆此非後宮之過也此廼名為治失
天讖失其大部界反使災還反相覆也是廼

天地開闢以來先師天時運未及得分別具
說天之大部界也今帝王便失天之法治令
生此災變真人深知之耶唯唯天之識也縱
酒者水之類也市者水行大聚人王處也而
縱酒於市名爲水酒大王水王則火少氣火

傳五

九

少氣則化成灰化成灰則變成土便名爲火
付氣於土也土得王起地與金水屬西北太
陰屬於民臣反得王後生詖臣已氣復得作
後宮犯事復動而起其災致偷盜賊無解時
各在縱水令傷陽德今所以爲真人分別說

之者見子來問事大口口惓惓承知爲皇天
欲祐德君故吾爲真人分明天地大分治所
當象之勿復犯也犯者復憤憤致亂矣子知
之耶唯唯願問一疑行言今京師同聚人衆
財貨中類京師反應水行耶噫諸真人學何
一時昭昭時時闇昧哉不及然安可盡及耶
然夫京師者廼應土之中火之可安止處也
非若市但可聚財處也夫京師廼當并聚道
與德仁與賢深共治理天下何故廼言京師
人君但當聚財貨乎子其大愚哉子以吾言

不信爲子道之古者京師到今諸聚道德賢
深者天下悉安其理但聚珍寶財貨而無賢
明者悉亂於真人意京師寧可若市但可聚
財處非乎寧解耶唯唯

爲諸真人重明天識格法日者生於少陽盛

於太陽月者生於少陰盛於太陰日者天之
精也陽之明也故曰爲君位在南方月者地
之精也陰之明也故月爲臣位在北方南方
爲晝北方爲夜是故日得王用事則月與夜
衰短月得王用事則日與晝衰短故北方氣

王則南方氣衰南方氣王則北方氣衰也故
當急止酒王以斷衰水金也真人重明知之
耶唯唯

天之格分也陽者為天為男為君為父為長
為師陰者為地為女為臣為子為民為母故

傳五

+

東南者為陽西北者為陰真人欲知天識審
實從天地開闢以來諸縱令兵武備使王縱
酒使王從女政大從其言使其王少陰太陰
與地屬西北從是令者後皆亂而有凶害仁
深道德賢明聖人悉屬東南屬於陽屬於天

從是言者後悉理願聞夫賢聖何以屬東南
方也火之精爲心心爲聖木之精爲仁故象
在東也東南者養長諸物賢聖柔明亦養諸
物不傷之也故夫聖賢柔明爲性悉仁而明
仁者象木明者象火故悉在東南也善哉善
哉見天師之言已大解矣

又天讖格法東南爲天斗綱斗所指向推四
時皆王受命西北屬地爲斗魁所繫者死絕
氣故少陰太陰土使得王勝其陽者名爲反
天地故多致亂也真人知之耶唯唯愚生數

人緣天師哀之爲其說天讖訣願問事一言
之今南方爲陽易反得巽離坤北方爲陰易
反得乾坎艮善乎子之難也觀天微意然易
者廼本天地陰陽微氣以元氣爲初故南方
極陽生陰故記其陰北方極陰生陽故記其

傳五

十二

陽微氣者未能王持事也故易初九子爲潛
龍勿用未可以王持事也故勿用也此者但
以元氣之端首耳善哉善哉行真人已解矣
今吾所記天讖乃記天大部能王持天政氣
爲天下綱紀者也真人知之耶唯唯今吾所

言正天下人君所當按之以爲治法也子之
所問正氣之端首也今真人見吾言或疑也
爲諸真人具說天地八界唯唯日之界者以
日出於卯入於酉以南爲陽北爲陰天門地
戶界者以巽初生東南角乾初生西北角以
東北爲陽以西南爲陰子初九午初六以東
爲陽西爲陰立春於東北角立秋於西北角
以東南爲陽西北爲陰此名爲天地八界分
別陰陽位真人寧解耶唯唯行已解矣是故
大部以東南爲天西北爲地地得順從令王

得伏其天者爲天地反故凶天得行其事王者得伏其地爲順各得其所故吉真人得書思之思之以付歸上德之君思吾文行之與神無異天即祐助之不宜時也行爲子說天識證爲小竟欲爲真人大說天上地下絕洞八極及星宿羅列悉一二說周流天道微妙或人反眩不知所之後令真道絕不用無以解古汭災復令上愁焉故但爲子說大部易知者使其覺而已故不言微妙難知者也不惜之也唯唯願請問一訣事言之今且天師

為愚生說天之十干皆有配合地道十二支
同有陰陽奇偶何故獨得天配合乎善哉子
之難也可謂為得道要乎然地者但比於天
為純陰獨居同自有陰陽耳天與地法上下
相應天有子地亦有子天有午地亦有午天

傳五

十二

有坎地亦有坎天有離地亦有離其相應若
此矣是故丑未者寅之後宮也申者屬卯侯
王之婿也亥者配辰卯者配戌辰戌者太皇
后之家婦也酉者屬午小皇后也子屬巳己
帝王女弟之婿也真人知耶唯唯是故干為

帝王支亦爲帝王是故寅者甲之支也故丑
未稱后宫午者丙之支也故酉稱后宫卯者
乙之支也故申稱侯王之壻也辰者戊之支
也故稱太皇后之家也亥者癸之支也故稱
太皇后之家婦也子者壬之支也故稱帝王
女弟之壻也巳者丁之支也故稱帝王女弟
也此天地相應和之法也善哉善哉願聞此
辰戌君未獨男則共聚女則共嫁何也微妙
哉子之難也然天者極陽地者極陰也地衆
凡陰之長也陰者常偶數故并也今戌己同

地也何故不并善乎夫戊己者五千也地之
陽也位屬天故不并也真人知之耶唯唯行
子知之矣今真人難是也今五行字廼轉而
相足以具天下凡事子得吾書自以類惟思
其惡意上下六方絕洞皆已備是故聖人見

傳五

十三

一以知萬大賢見一以知千愚者力示會獨
亂不得道真也故道德者付真人真人知之
耶唯唯行知之矣願復請問一事今此上天
之四時地之五行悉道帝皇侯王后宮之家
天道盡往配之中亦豈有百姓萬物相配乎

善哉子之問也可謂覩大道要矣然此相配者同耳夫五行者上頭皆帝王其次相其次微氣王者帝王之位也相者大臣之位微氣者小吏之位也王者之後老氣者王侯之位也老氣之後衰氣者宗室之位也衰氣之後病氣者宗室犯事失後之象也病氣之後囚氣者百姓萬民之象也囚氣之後死氣者奴婢之象也死氣之後亡氣者死者丘冢也故夫天垂象四時五行周沅各一興一衰人民萬物皆隨象天之法亦一興一衰也是故萬

民百姓皆百王之後也興則為人君衰則為
民也真人知之耶唯唯子已知之矣
右以天讖長安國家以治詖臣絕姦偽猾

滅

太平經卷之六十九



